



ANJA DI REINA A TRECE OTRO

DRAMA NA ARUBA

PISTOLA DI POLIS A MATA UN Y A HERIDA TRES PERSONA

SANTA CRUZ - Tambe e celebracion di cumpleaños di S.M. Reina Juliana di e anja aki, a laga un sombra scur atras na Aruba. Un drama tragico cu a tuma lugar dialuna atardi un cuarto pasa di seis den cercania di e terreno di futbol di e club "Arsenal" na Coba Lodo, a causa bida di un persona, mientras tres otro persona a ser hospitaliza ora cu nan a sufri heridanen serio y leve den e incidente aki.

En relacion cu loke a sosode dialuna atardi riba terreno di "Arsenal" na unda henter dia weganan pa celebra cumpleaños di Su Majestad a ser teni, voceronan di polis a informa dialuna anochi lo siguiente na e medionan di publicidad. Aki bau ta sigi e punto di bista di polis den e caso tragico aki:

"Pa mas o menos cuarto pasa di seis di atardi, tabatin un carioca tabata corre den cercania di e terreno di Arsenal. E chauffeur di e vehiculo aki tabata bau di influencia di alcohol y tabata corre pasa e vehiculo entre e personanan cu a asisti na e terreno aki. Na un dado momento e carioca aki a ser para pa polis. Polis kier a kita e yabi for di e chauffeur y hiba e auto warda. Na e momento aki un polis a ser ataca y a ser tira na suela. E otro polis a mira un multitud di hende tabata bin riba dje y el a cuminsa hala atras, te na momento cu e no por a sali mas atras como cu tabatin cadushi su tras. Aki e polis a saca su pistola y a tira un tiro den halto. E multitud a sigi bin riba dje y a trata na kita e pistola for di e polis. Durante luchamento cu a sigi entre e polis y e otro personanan, cuatro disparo a sali for di e pistol y esakinan a herida un di e personanan mortalmente mientras un persona a ser herida gravemente y dos otro a sufri heridanen di bala di menos seriedad".

Te asina leu tabata e version di e caso cu a ser duna dialuna anochi pa e vocero di polis.

7 TIRO

E persona cu a ser mortalmente herida, tabata Dominico "Co" Ras di 45 anja di edad. E persona aki a muri na e lugar di calamidad mes y ayera tardi e entierro a tuma lugar for di su casa na Coba Lodo 7. Dialuna anochi diezdos'or, San Pedro Hospitaal a informa cu e personan cu no a ser herida seriamente, a bai cas, mientras condicion di edos otro nan tabata regular. Segun informacion, tres di e personanan cu a ser herida tabata familia di otro, mientras e di cuatro no tabata familia.

Ayera merdia diezdos'or a ser informa for di hospital cu condicion di dos di e heridonan tabata basta malo y cu un tabata regular. Contrario cu dialuna anochi ora ser informa cu un die heridonan a bai cas, ayera merdia a ser informa cu tabatin tres persona den hospital.

Un vocero di polis a informa ayera merdia cu mas o menos 7 tiro a ser tira e atardi ey. Tur e tironan aki, segun e vocero policial, a sali for di pistola di e polis cu a hala patras y cu esun polis cu a ser tira na suela no a tira.

Tur e informacionnan duna aki riba ta procedente di parti di polis ya cu ta sumamente dificil pa nos duna un relato di lo sucedido pa e simple motibo cu nos no tabata presente y tambe pa motibo cu e informacionnan cuta ser duna riba caya ta asina contrario di otro.

E informacion di polis no ta menciona si e polis a ser ataca

cu arma, pero ta haci mencion di cu e multitud tabata bin riba e polis. E ultimo aki a considera e ora ey cu e mihor forma den cual e por a haci tabata saca su pistola y dispara den halto.

NAPLES -UPI -- Un dokter ta ser acusa aki di asesino, pasobra segun rumornan cu ta circula, el a mata su prome casa pa por a ricibi pago completo di un aseguro.

Ta algun luna pasa numa cu e mes medico aki, den persona di Carlos A. Coppolino a hanje dilanti tribunal acusa di a asesina un coronel cu kende su esposa e mes medico aki tabatin relacionnan amoroso.

Den un sucesion di audiencianan judicial cu a atrae atencion publica na Estados Unidos pa e personahenan meti den e asunto y e aspectonan sensacional dje caso, cu por tabata material pa un novela bunita den asunto policial di gran exito

Lamentable- y desgraciadamente si ta e hecho cu ora cu e polis tabata lucha cu e multitud segun e version di polis - tur e cñtro balanan cu a sali a herida un persona.

Si maske tabata uno of dos di e disparonan aki por a bai perdi den aire, anto lo tabatin menos herido y hasta kizas e persona en cuestion lo no a perde subida. Na e familiaridad di e persona cu a perde su bida den un forma unico te ainda na Antillas, nos ta extende nos sentido pesame.

En relacion cu dia di Ascension, Arbaanse Courant lo no sali mayan diahuebs 4 di Mei. Nos proximo edicion lo sali diabierna awor 5 di Mei.

Directiva.

editorial Coppolino a sigui luchando pa su inocencia, apoya pa su abogado Lee Batley, quende a logra un grandioso exito y propaganda pa su mes den e asunto aki.

Sinembargo e asunto a bin hanja un cambio desfavorable pa Coppolino y su abogado, pasobra ultimo palabra di Huez a resona manera un roncamento di boz den tempu calmo ya cu e medico a ser sentencia pa castigo perpetua di prison.

E veredicto cu a ser pronuncia pa Huez ta bisa cu Coppolino a ser considera culpable di asesinato di su prome muhe. Esaki ta conviccion di huez Lynn N. Silvertooth, despues cu un jurado masculino a dictamina cu

e acusado, un dokter retira, a constata cu ta e medico aki mes a mata su prome esposa Gabriela, dia 24 di augustus 1965, inyectando esaki un dosis excesiva di droga.

Causanan dje homicidio, segun e veredicto, tabata cu e kier a cobra un segundo 65.000 dollar na nomber di su esposa, ademas di su deseo di casa cu e bellissima viuda Mary Gibson quende el a tuma como esposa 40 dia despues dje morto di su casa.

Previamente el a ser libra dje acusacion di a mata e coronel retira, William E. Farber, esposa di Marjorie Farber, un anti-gua amiga dje medico.




E promer potret di e principe hoben a ser saca ayera pa su tata Principe Claus y ela entrega na periodistanan. La Prensa tambe a logra di obtene e foto aki pa intermediacion di Radiofoto di United Press International y nos ta publikele awe riba nos primera pagina.

WHITE HORSE

WIPACO

CAMPEON DI TUR WHISKY



BARATILLO ! SALE UITVERKOOP!

BOYS

Long pants
Suits
Shirts



GIRLS

Beach coats
Slacks sets
Short sets
Bathing Suits



LADIES

Slippers
Blouses
Handbags
Baby dolls

MEN

Windbreakers
Suits
Beach jackets
Pajamas
Dress shirts

and many many more

BUY NOW - SAVE

ARUBA TRADING COMPANY
Oranjestad Phone 2600

SI UD. TIENE MALA SUERTE

Si no está conforme con el ritmo de vida que hoy lleva, si sus sufrimientos son intensos y prolongados, si sus mayores deseos y aspiraciones, aún no se cumplen, si la gente ahonda sus pesares si sus esfuerzos por superarse se estrellan contra las dificultades, SI PARA CONSEGUIR LO QUE DESEA, TIENE QUE HACER MUCHOS ESFUERZOS. Si le sucede algo de esto, significa que en tu interior pasa algo malo que quiere atarle al fracaso y que es SUPERIOR A SUS FUERZAS. Qué es lo que le sucede? Qué es lo que impide que usted sea feliz y que obtenga los buenos resultados que busca en su vida? Solicite hoy mismo UN EXAMEN GRATIS, de su vida, destino y suerte y conocerá usted los verdaderos motivos culpables de todos sus sufrimientos, retrasos y a la vez un maravilloso camino que le llevará a la solución de todos sus problemas y a lograr fácil, seguro y rápido una vida cómoda y feliz.

CUENTE EL PROBLEMA MAS IMPORTANTE DE SU VIDA, el problema que más le preocupa, que más le angustia y le hace sufrir PARA INDICARLE COMO SOLUCIONARLO URGENTEMENTE. Comuníqueme el problema más importante de su vida el que más le preocupa, que más le angustia y le hace sufrir. Para indicarle como solucionarlo urgentemente. Escriba hoy mismo y recibirá GRATIS El examen más preciso de su vida. Satisfacción Garantizada y reserva absoluta. Diríjase al Dr. Jonas Bruhl, Apartado 2987.

PA SIGURA BO EMPRESA SU DESAROLLO
AVISA DEN ARUBAANSE COURANT

GEVRAAGD Voor spoedige indiensttreding ADMINISTRATEUR

Minimum Vereiste Diploma:

Modern **BEDRIJF ADMINISTRATIE**
of gelijkwaardig

N.V. WINKEL'S HANDEL MAATSCHAPPIJ

Sollicitaties te richten aan:

P.O. Box. 8 Oranjestad, Aruba.

THEATER DE VEER

aire acondicioná

ta presenta awenochi 3 di Mei

"CASANOVA 70"

cu Marcello Mastroianni & Virna Lisi
f. 1,50 18 aña

MIRA BOU DI E TAPA
di

**PEPSI-COLA; SEVEN
UP; KIST; GRAPETTE;
VICTORIA SODA-
WATER.**

E tapa bou di cual
ta skirbi:

PREMIUM 1967

bo por cambia, tantem cu tin
na stock, pa:

3 tapa - 1 ballpoint
5 tapa - 1 glas
15 tapa - 1 telefoon directory
20 tapa - 1 deskroller pat
30 tapa - 1 T-shirt
35 tapa - 1 lighter
Y SIN PAGA NINGUN CEN
ASERCA.

Esaki ta worde ofreci solamente pa e fabrica di limonada di mas grandi, mas moderno y mas popular di Aruba.

**VICTORIA BOTTLING
COMPANY**

SAN NICOLAS - Tel. 5192

Gland Discovery Restores Youth In 24 Hours

Sufferers from loss of vigour, nervousness, weak body, impure blood, failing memory, and who are old and worn-out before their time will be delighted to learn of a new gland discovery by an American doctor.

This new discovery makes it possible to quickly and easily restore vigour to your glands and body, to build rich, pure blood, to strengthen your mind and memory and feel like a new man in only 3 days. In fact, this discovery which is a home medicine in pleasant, easy-to-take tablet form, does away with gland operations and begins to build new vigour and energy in 4 hours, yet it is absolutely harmless and natural in action.

The success of this amazing discovery, called VI-TABS, has been so great that it is now being distributed by all chemists here under a guarantee of complete satisfaction or money back. In other words, VI-TABS must make you feel full of vigour and energy and from 10 to 20 years younger, or you merely return the empty package and get your money back.

VI-TABS costs little, and the guarantee protects you.
Vi-Tabs
Restores Manhood and Vitality

BUENOS AIRES-UPI - Embahada dor di Argentina na Colombia, Colonel Juan Francisco Guevara, a desmenti cu durante un recepcion diplomatico cu a tuma lugar recientemente, ela anuncia cu "den poco tempu pueblo di Argentina lo por depende di e canalnan pa ser representá den gobierno di e pais" segun un

MAAKT ASTMASLIJM LOS terwijl u slaapt

Moeilijk adembalen, kuchen, proesten en kortademigheid, te wijten aan herhaalde aanvallen van bronchiale astma en bronchitis kunt u snel en gemakkelijk bestrijden met versterkte MENDACO. Helpt u snel als u ergens allergisch voor bent, ontspant de luchtpijpen en helpt het dikke, verstikkende slijm zich te verwijderen. Gewoonlijk vergemakkelijkt het 't adembalen snel, bedaart het 't hoesten en doet u uiteraard beter slapen. MENDACO is verkrijgbaar in de botica. Het kan ook U helpen!

version periodístico. E diplomatico a muestra cu na e ocasion ey e tabata masha lew for di comete un descuido di anuncia algo cu no ta corespondele. E anuncio cu nan a atribuf na Colonel Guevara, aparentemente a originá durante un recepcion cu e embahador di Colombia ante gobierno di Argentina Hector Charry Samper a ofrece un grupo di parlamentario di su pais, cu tabata na e capital aki, promer cu nan a bai Montevideo, pa e reunion di Parlamento Latinoamericano.

MADRID -UPI -- Mas cu mil estudiante universitario a grita lemanan awe anti-Norteamericano y a kima seis bandera di estados Unidos como protesta di guerra di Vietnam. E manifestacion a tuma lugar den recinto di e universidad central y tabata esun cu mas bochinca den esnan cu a ser organiza den e capital aki.

Incendio di e banderanan Norteamericano a tuma lugar inmediatamente despues di un reunion ilegal riba Vietnam, den e facultad di ciencia político y economicas. Ela ser asisti pa mas o menos 3 mil estudiante.

Nan a sali pafor y a hinca bandera di Vietcong den terra y alaves nan tabata exhibi letretonan anti-Norteamericano cu tabata bisa "Johnson Nazi".

Centenares di polisnan armá a sera caminda pa e autonon den vecindario di e universidad, pero no a interveni durante e manifestacion cu a culminar cu kimamentu di e banderanan adoptando un actitud di moderacion cu a sorprende e observadornan.

Muchanan di Huishoudschool a bishita N.A.G.M.

Diahuebs mainta dia 27 di April mas o menos un 40 mucha mujer di e R.K. Huishoudschool "Regina Pacls" di Santa Rosa a bishita e showroom di Nederlands Antilliaanse Gas Maatschappij na Saliña.

E discipulonan acompaña pa dos maestro a ser ricibi pa Srs. Verdoorn, gerente, Th. H. Reulink, chef di distribucion y J.C. Lubeek di departamento di Relaciones Publicas.

Nan a muestra hopi interes pa e diferente modelonan di stoff di gas cu ta ser exhibi pa e diferente agentenan. Tambe e aparato cu automaticamente ta registra e pedionan di cylinder di gas automaticamente tambe a ser observá.

Un cantidad di pregunta a ser contesta pa funcionarionan di NAGM.

Gosando di un refresco nan a keda varios rato huntu. Na despedida di e showroom tur e discipulonan a ser sorprende cu un regalito bunita y util.

DIRECTIVA NOBO DI LIONS

Segun nos a ser informa di parti di Lions Club Bonaire, e siguiende personanan a ser scoge como miembro di directiva pa e proximo aña di e sociedad.

Presidente, J. Jonkman Ds. Secretario, L.R. Axson. Tesorero, J.M. P. de Jong. Ex-Presidente, A. Krumperman Dr.

1er Vice pres. N. Soree
2do Vice Pres. C. Spruit
3er Vice Pres. A. van Niel
Tailtwister P.A. Dammerman
Lions Tamer W. Wanapa.
Director 3er aña E.J. Morkos
Director 2do aña Ch. Riem
Director 1er aña H.J.A.J. Heitkoning.
Director 1er aña A.H. Koelma

LONG BEACH (California) -- UPI -- 15 hoben bunita lo pasa e dia di awe enseyando pa e eliminacion final cu lo tuma lugar majan, cu obheto di eligi entrenan ganadora di e concurso di belleza internacional.

Ora e huesnan dunan nan veredicto na final di e certamen, un di e semi-finalistanan lo ser corona Miss International 1967. Tin tres competidora di America Latino entrenan, y un representante di un pais Comunista, Yugoslavia. E tres bellezanan Latinoamericano ta: Miss Argentina, Mirta Massa, Miss Brazil Virginia Barbosa de Souza y Miss Peru cu ta Marta Suarez.

Miss Yugoslavia ta Stavenka Veselinovic. Esaki ta promer baha cu un pais dominá door di Comunismo a presentá un candidata den e concurso.

LONDEN -UPI -- Partido Conservador su candidato a sail eligi den e eleccionnan complementario cu a tuma lugar den distrito di Brierly Hill pa sustitui un vacatura (door di morto) den parlamento. E victoria cu a ser lográ pa Fergus Montgomery ta nifica un golpi nobo na urna pa e partido Laborista di gobierno cu tabatin como candidato Derek Forwood. E parlamentario cu a fallecé tabata J.E. Talbot.

GINEBRA -UPI -- Mercado Comun Europeo furiosamente a rechasá e acusacion cu nan ta obstaculá labor pa yega na un acuerdo den e conversacionnan arancelaria di e serie Kennedy.

Representacion di e comunidad Economico na Ginebra a emiti un declaracion formal pa senjala cu ta di e bon voluntad di tur e participantenan den e combersacionnan, y no di solamente unu, ta depende si por logra un acuerdo entre e interesadonan.



carreda di 100 yarda a ser gana pa e hoben Nel(son) Oduber den e tempo di exacta- mente 10 seconde. Den e carreda aki Nel a demonstra di ta superior na e largo Piet Klaassen, kende a yega na di dos lugar, dos seconde despues. Aki e ganador ta pasando e linea final.



marinier Piet Klaassen aki ta ricibi e trofeo pa e atleta mas astaca durante e di 27 olimpiada di Lago Sport Park for di man di presidente di Lago, sr. W.A. Murray. Piet a obtene 26 punto, ora a konkista cuatro promer lugar y dos segundo lugar.



Den centro por mira e ganador di e carreda largo di 3 miya, e hoben di 16 anja Stanley Kemp cu su precioso trofeo. El a corre e distancia aki den un tempo di 18 minuut y 19 seconde. Na drechi, P. Grundeken, kende a sali na dos lugar y na robex e marinier Versteeg, kende a bira numero tres.



Durante e di 26 olimpiada di Lago Sport Park teni diabierna anochi na ocasion di cumpleaños di S.M. Reina Juliana, e hoben di 16 anja Stanley Kemp a duna un actuacion sublime den e carreda largo di 3 miya, clasificando na di promer lugar.

Aki Stanley ta yegando e punto final cu brazanan habri di alegria.

SNAN CU A NACE MES DIA CU E PRINS



LLEMSTAD- Na Corsow a nacerriba e mes un dia cu e Prins Oranje, siete jui, cuater mucha hjer y tres mucha homber. Aki e foto cu nos ta publica ariba lectornan lo por weta e mermeranan di Hospital St. Elisabeth cu e siete babynan carga.

E muchanan aki indudablemente den futuro lo tini un ventagera tur otro, ya cu dia cu e Prins di Oranje bira rey, e dia di nan cumpleaños automaticamente lo ta un dia liber. Nan pues lo por festeja nancumplesafos semper debidamente.



Ademas Hospital St. Elisabeth a haci e nechigestu di regala cinco di e muchanan cu tabata den klas cu ta paga e gastunan di nacementu completamente, mientras cu e mayornan di e babynan cu a nace den klas di gobierno a haña cent di regalo serca di-

rectiva di e hospital. Un caso curioso ta tambe cu un di e muchanan a nace tambe pa medio di operacion cesario mes cos cu e principe real. E siete muchanan qu a nace dia 27 di April ta un jui homber di Señora Susana, un jui homber

di Sra. Wiel (e la nace pa via di e operacion), un jui homber di Sra. van Utrecht, un jui muher di Sra. Martijn, un jui muher di señora Fermin, un jui muher di Sra. Kleinmoedig y un jui muher di sra. Eleonora.

Avionnan mericano a hostiga bapornan Ruso

MOSCU--UPI--Segun rumornan cu ta circula, avionnan di Estados Unidos a pasa raza riba barcunan sovietico cu tabata nabegando di mediteraneo pa mar Egeo, segun funcionaronan maritimo a afirma.

E informantenan a sigura na agencia di noticia Tass, cu avionnan di guerra norteamericano a hostiga na barcunan sovietico Reni y Novybug dia 26 di e luna aqui.

Estudiantenan na Mexico a ocupa busnan y a bati sede policial cu piedra.

PUEBLA (MEXICO)--UPI--Servicio di omnibus urbano a suspende su servicionan na publico debi na e disturbionan provoca anochi pa estudiantenan dje universidad di Puebla cu a podera di ocho vehiculo, a bati un hefe di poliz cu palu, a secuestra miembronan di un patrulla policial y despues a ataca e edificio di hefenan di poliz cu piedra.

Poliznan ta di opinion qu mas di 400 estudiante a turna parti den e desordennan cu a cuminsa fol 9^o or di anochi y cu a prolonga te a- wor.



PRESENTA

PA:

PIET KLAASSEN ATLETA SOBRESALIENTE DI OLIMPIADA LAGO SPORTPARK

(Di Nos Redactor Deportivo)

SAN NICOLAS - E di 27 Olimpiada di Lago Sport Park como parti di e festividadnan en coneccion cu celebracion di Anja di Su Mahestad Reina Juliana, a bolbe atrae un publico grandi cu a yena e tribunanan di Lago Sport Park te cu e ultimo puesto. Entre e hopi interesadonan nos por a nota e president di Lago W.A. Murray y tambe B. Nixon y C. Siegle alto funcionarionan di e compania, e Comandante di Savaneta Kamp Middelhof y tambe senjorita Mercedes Oduber, Reina di Deporte di Aruba. Na e alto personahenan aki y algun otro a toca e honor di entrega cada biaha e bunita trofeonan na e ganadornan den cada evento di atletismo y ciclismo. E trofeo mas codicia a bai e anja aki pa e marinier Piet Klaassen, un hoben di 19 anja di edad cu hopi talento pa atletismo. El a competi den seis evento, konkistando cuater promer puesto y dos segundo puesto pa un total di 26 punto loke facilmente a dune e titulo di atleta mas sobresaliente di e Olimpiada. Su mas cercano rival tabata Victor Curlingford cu a yega na un total di 13 punto net mitad.

Piet Klaassen a hiba diaviera anochi un total di 7 trofeo back pa su barak den Savaneta Kamp caminda for di luna di augustus anja pasa e ta pasando su servicio obligatorio. Ya na Hulanda, Piet a sobresali den atletismo durante su anjanan escolar konkistando varios premio, pero pa hiba un cantidad di shete ariba un solo fecha si ta algo cu na Aruba ta promer biaha cu e ta experencia.

Tradicionalmente e programa di e di 27 Olimpiada a cuminsa cu un discurso di e president di directiva di Lago Sport Park, Mateo Reyes, kende tabata luci na su bachi e medaya di Plata di Honor algun ora promer na nomber di Reina Juliana otorga na dje pa su incansabel dedicacion na deporte na Aruba. Palabranan di gratitud e president di Lago Sport Park a expresa na Lago cu anualmente ta financian e gastonan di e Olimpiada cu ya a demostra di ta un estimulo pa e deporte di atletismo y ciclismo na Aruba. Deseando tur e participantenan hopi suerte y gradiciendo tur cu ta coopera pa haci e Olimpiada un exito, Reyes a termina su discurso cu tres cheers pa su Mahestad Reina Juliana.

E Brass Band di Y.M.C.A. luego a toca Wilhelmus y un comienzo por a ser haci cu e parti activo di e programa consistiendo di en total di 18 evento.

ATLETISMO

E carrera di 100 yarda a wordu corri den tres parti. E dos promer carreranan a sirbi pa saka e seis mihornan cu a competi den un carrera final. A clasifica pa e final Nel Oduber, Buffy Barbour, G. Toussaint, van de Weerd, Piet Klaassen y Henk van Ouwkerk. Den forma sensacional cu un admirabel sprint e hoben

Nel Oduber a gana e carrera cu un tempo di 10 seconde flat. Number dos a bira Piet Klaassen cu tempo di 10,2 seconde sigi pa Henk van Ouwkerk den tercer puesto den 10,5 seconde. Den e carrera di 220 yarda e marinier Piet Klaassen a konkista e promer puesto logrando tempo di 22,7 seconde. Number dos a keda Nel Oduber cu 22,9 seconde y number tres Henk van Ouwkerk den 23 seconde.

Tabata un total di 15 participante pa e carrera di 220 yarda y den tres evento esakinan a corre. E mihor campion marca a wordu tumá e dicidi e ganadornan.

Un sorpresa tabata e triunfo di Benny Leonard e carrera di 440 yarda. Leonard a gana e carrera a dicidi di competi y a logra un triunfo hopi ariba Nel Oduber. E tempo marca ariba e cronometro pa Leonard tabata di 57,6 seconde. Nel Oduber a drenta net su tras cu tempo di 57,7 seconde. Number tres tabata van Oijen cu a dura net 1 minuut pa completa e trayecto.

F. Lambert a gana e carrera di 880 yarda cu hopi ventaha. Su tempo tabata di 2 min. 14,9 seconde. Number dos a drenta M. Baselmans cu 2 min. 18,5 seconde. Number tres tabata Overdijk den 2 min 21,5 seconde.

Completamente den man di e mariniernan a cerra di 1 milla a keda. El a wordu gana pa Grundeken den 5 min. 19,8 seconde sigi pa Augustus den 5 min. 25,2 seconde como number dos y van Schip den 5 min. 26 seconde como number tres.

Stanley Kemp, un hoben atleta dedica na corra distancia largo, a bolbe konkista e promer lugar di e carrera di 1 milla. Su tempo tabata di 18 min. y 10 seconde. Demostrando un fuerte resistencia Kemp a gana na cabes di e peloton pa e carrera di 13 di e 15 rondanan cu e carrera ta dura.

Lansamento di spear a wordu gana door di Ramon Sharpe cu distancia di exactamente 146 pia. E segundo puesto a bai pa Buffy Barbour kende a pone e spear viaha 145 pia 6 inch. Number tres tabata Henk van Ouwkerk cu distancia di 133 pia 7 inch. Promer puesto de lansamento di disco a bai pa Piet Klaassen cu distancia di 107 pia 4 inch. Tambe e segundo y tercer puesto a bai pa habitantenan di Savaneta Kamp. Respectivamente esakinan tabata Jeisma cu 90 pia y Henk van Ouwkerk cu 71 pia 10 inch. Piet Klaassen a gana tambe e lansamento di bola mandando e te na un distancia di 41 pia 5 inch. W. Ashby a konkista segundo puesto cu 40 pia 2 inch. E. Dunker a bira number tres cu 40 pia 1 inch.

Saito halto tambe a wordu gana door di e hoben marinier Piet Klaassen. El a yega te na un altura di 5 pia 4 inch. Number dos tabata van der Voort cu 5 pia 2 inch y number tres W. Ashby cu 5 pia 1 inch. Logrando un distancia di 19 pia 3 inch Buffy Barbour a konkista promer puesto di e evento saito largo. Number dos a resulta Piet Klaassen cu 19 pia y number tres Nel Oduber cu 17 pia 8 inch.

Den atletismo despues di Piet Klaassen a logra mihor puntuacion Nel Oduber cu total di 12 punto producto di un promer lugar, dos segundo y un tercer pa cuater trofeo.

CICLISMO

Un sorpresa a resulta e hoben ciclista Henk Baten, kende den forma sensacional agana e evento di tres milla clase A pasando e favorito y mas experiencia Victor Curlingford hustamente promer cu cruza e linja final. Pa mitar wiel Baten a logra e promer lugar. Pa poco ei a ripiti esaki ariba e distancia di 5 milla tambe. Pero Curlingford no a permiti e biaha aki y a mantene su promer puesto aunke cu tabata pa ventaha sumamente chikito tambe. Cinco ciclista a tuma parti den e evento pa clase C distancia di un milla. Number dos a resulta D. Mendez den 2 minuut 46,5 seconde, number dos A. Vrolijk den 2 minuut 48,6 seconde y number tres J. Richardson den 2 minuut 51 seconde.

E distancia di 1 milla pa clase B a wordu gana pa S. Winklaar cu tempo di 2 minuut 45,7 seconde. Number dos a bira H. Lampe cu 2 minuut 46 seconde y number tres G. Dinzey den 2 minuut 46,2 seconde. Henrich Lo a Njoe a gana e carrera clase B distancia di 2 milla marcando 5 minuut 45,8 seconde. Segundo puesto a bai pa S. Winklaar den 5 minuut 46,3 seconde y number tres G. Dinzey den 5 minuut 48,8 seconde.

E promer carrera di clase A tabata ariba distancia di 1 milla. Marcando 2 minuut 44,5 seconde Victor Curlingford a resulta ganador. Number dos tabata C. Nichols den 2 minuut 45,2 seconde y number tres H. Lo Anjoe den 2 minuut 26,2 seconde. E carrera di tres milla a produci sorpresa ya describi. Despues cu Curlingford tabata hiba ven-

taha comodo den practicamente henter e carrera ya den e ultimo rond Henk Baten a haci un sprint formidabel pa logra pasa Curlingford na e ultimo paar di meter. Pa Baten e cronometro a marca 9 minuut.03 seconde y pa Curlingford 9 minuut.04 seconde. Hopi cerca tambe a drenta como tercer C. Nichols cu a marca .06 seconde.

Un peloton grandi di ciclista a tuma parti na e carrera di cinco milla cu ta representa un total di 25 rond den e terreno di Lago Sport Park. Un final emocionante e carrera aki tambe tabata tin ora cu-den e rond final Henk Baten a logra cuminsa cu un formidabel sprint pa busca di kita Curlingford di e promer lugar. E biaha aki sinembargo Curlingford a logra mantene su puesto aunke ta pa un ventaha minimo. Apenas mitad wiel di ventaha e tabata tin ariba Baten. E tempo marca pa Curlingford tabata di 16 minuut y 45 seconde. Baten a marca 16 minuut 45,1 seconde y C. Nichols den e tercer puesto a marca 16 minuut 45,4 seconde.

SORPRESA

Un sorpresa anjadi na e programa tabata e entregamento di un trofeo na e corredor Padu Maduro. E atleta aki su specialidad ta distancianan largo. Anja tras anja y cada biaha cu e mes smaak y mes sportief Maduro ta inscribi y tuma parti na diferente carrera di distancia largo. Sinembargo ningun biaha Padu a logra clasifica pa un di e promer tres puestonan. Pa su perseverancia, e directiva di Lago Sport Park a dicidi di dune un sorpresa entregando e un trofeo.

Esaki a wordu haci door di president Mateo Reyes, kende a pone e sportiviteit di Padu Maduro como un ehempel pa e atletanan hoben.

Un bunita gesto di e directiva di Lago Sport Park. E president di Lago Murray como ultimo parti di e programa a haci entrega di e trofeo grandi na Piet Klaassen como e atleta mas sobresaliente di e Olimpiada.

ZENITH A TRIUNFA 5-3 Ariba WINSTON

ORANJESTAD - E novena di Zenith a logra victoria di 5-3 pa 3 ariba esun di Winston diadomingo den otro partido di e campeonato di baseball AA. Un rally di cuater carrera ya den e promer turno na bate habriendo e wegata basta pa duna Zenith e triunfo. Cu un carrera mas den e segundo inning Zenith a hisa su total te na 5.

E ventaha di 5-0 di Zenith a keda na pia te den e septimo inning. Cerrando esaki Winston a anota tres carrera, su unico carreranan di e partido cu a caba cu score di 5-3 pa Zenith.

E novena ganador a conecta un total di 7 hit y a comete tres error. Winston a keda limita na 4 hit y a pifa un solo biaha.

Pitcher ganador tabata Prudencio "Shon FI" Maduro, kende den e octavo inning a entrega e wegata na Niko Caraballo.

Perdedor a resulta Yonko Alberts. Esaki a wordu cambia den e octavo inning pa e zurdo Angel Werleman.

Mihor batidor di Winston tabata Raul Werleman cu dos hit den cinco turno. Cu un hit den tres turno tabata e mihor batidornan di Zenith Franklin Tromp, Max Gumbs Raymond Violenus y Shon FI Maduro.

Den e promer inning cu dos companjero na base a conecta un homerun Franklin Tromp di Zenith percurando asina pa tres carrera di su equipo.

Atletismo y ciclismo majan anochi den L.S.P.

(Di Nos Redactor Deportivo)

ORANJESTAD - Aruba Wielrenners Bond ta organisa majan anochi den Lago Sport Park un programa di atletismo y ciclismo.

Esaki ta wordu haci en coneccion cu un invitacion ricibi pa participa na Corsow ariba dia

7 di mei. E atletanan cu mihor clasificacion lo forma e delegacion arubano cu lo competi na nos isla hermana.

Tur atleta cu ta desea di tuma parti por inscribi majan anochi na Lago Sport Park mes. E eventonan ta anuncia pa cuminsa 7.00 di anochi.

VENEZUELA TA CUMINSA CONTRA ARGENTINA AWE PA TORNEO COPA DAVIS

BUENOS AIRES - UPI -- Dos partido di tennis individual lo cuminsa e prome buelta eliminatorio entre Argentina y Venezuela pa disputa Copa Davis. E tenista venezolano Humphrey Hose, sobrino di e hungador di e pais ey Iyo Pimentel lo enfrenta A.J. Ganzabal di Argentina. Otro singelman lo ta na encargo

di Julio Moros (Venezuela) contra Roberto Auborne (Argentina), completando e prome dia.


Diadomingo lo hunga e partidonan doble, cual lo ser anuncia un ora prome cu e partido.

E venezolano J. Moros lo hunga contra J. Ganzabal y Hose contra Auborne dialuna pa finalisa e torneo



**Tabaco...
FINO!
Humada...
PURO!**

... y obange?
...
...



**CASINO
CHARCOAL FILTER**

BUCHI ROBES

pa cortesia di **N.V. FATUM** Verzekeringsmij.
Tel. 1845 - 1283 pa tur sorto di seguro.



Pitcher Pachin Cornelia, estelar di Firestone, na man drechi riba e foto ta haciendo un di su lansamentu-
nan pa domina e bateadornan di Blue Hawks cu siete hit pa su club gana cu score di 2-1.

INFANTENAN DI MARINA MESTER A LUCHA TENAZ CONTRA VIET CONG

SAIGON--UPI--Tropanan Comunista a duna resistencia tenaz na e cero banda di e frontera entre Vietnam del Norte y Vietnam del Sur, mientras nan tabata tira cu cohete, mortero y otro arteleria riba infanteria di Marina di Estados Unidos na otro zona di e mes linea di division, segun a ser bisá pa un vocero Norteamericano.

Ta ser calcula cu no menos cu 59 infante di marina a perde nan bida durante e batallanan indicá y cu ainda mas 187 a ser herida.

E lucha sangriente a tuma lugar den selva, sur di e zona desmilitarizá cu ta separa e dos Vietnam-nan.

E infantenan ta trata di evita intencionan di invasion di cinco division di soldá di Vietnam del Norte.

Cerca di e frontera di Vietnam del Sur cu Laos, e infantenan a bandona e pla di e cero 861, despues di tres dia di trata envano pa desalojá posicon di e batallon di ehército Norvietnames 341 cu ta den cueba y trincheira parti di ariba.

Di otro parti, a keda practicamente concertá otro tregua den e guerra ora cu a ser anuncia pa e Comunistanan di Vietcong cu nan guerrilleronan lo stop di tira 48 ora cu motibu di aniversario di nacementu di Buda, 23 di Mei proximo. Gobierno Sudvietnames proponé pa no tira durante 24 ora y Estados Unidos a acceptá e idea aki.

Den e luchanan violentona terra cu a tuma lugar ayera y awe, infanteria Norteamericano a informá cu candela di e enemigu a causa danjo na 30 helicopter y dos transporte di su forsanan aerea.

E bombarderonan gigantesco B-52 a acudi na e region di batalla pa respalda e forsanan di terra y a larga toneladanan di bom cai riba e batallon Norvietnames cu ta mantene su resistencia contra e infantenan.

Parti Este serca di costa, tambe nan a bombardea concentracionnan di comunistanan cu tabata atacando basenan di infanteria di Marina di Estados Unidos.

Mientras tantu, formacionnan di nubianan riba Vietnam del Norte a obliganan di reduci te solamente 48, e misionnan di bombardeo contra e obhettivonan militar na e pais aki, ayera.

Aviacion Norteamericano a dedica su mes na ataca e sistemanan di defensa aerea, loke a causa perdidanan grandi durante e ultimo dianan.

Na tempu cu infanteria di Marina a manda reforsanan na colina 861, e comunistanan a ataca e centronan cu mortero, cinco kilometer sur di e zona desmilitarizá, y tambe e complejo di Phubai y e base di Dongha cu ta keda mas sur.

Den e asalto na colina 861, cu e Bombarderonan B-52 ta hibando a cabo primordialmente, 13 Norteamericano a muri y 190 a ser heridá. Den otro atakenan Comunista, 57 soldá Mericano a muri y 77 a ser heridá.

EXPOSICION DI ANTILLAS NEER LANDES NA CANADA

WILLEMSTAD- Diadomingo ultimo señores R.J.A. Fraai y W.W. Chai di respectivamente Corsow y Aruba, a viaha pa Canada. Señor Fraai ta ambtenaar na Bureau Economische Ontwikkeling en Toerisme na Corsow y señor Chai ta traha na oficina di turismo di Aruba. Ambos señores lo traha como guía den e exhibicion di Antillas Neerlandes di 26 di april te 27 di october di e aña aki na e exposicion mundial qu nan a habri na Montreal. Despues di algun luna, otro empleadonan lo reemplaza nan.

Na principio di e luna aki e hefe di servicio informativo di gobierno Central, señor H.L.

Braam, quende a ser encarga pa organisá e exposicion di Antillas, den compania di señor E. Aloffs, e representante economico di Antillas na New York, nan a bishita e pabellon Hulandes na Montreal, caminda nan a combersa riba e participacion di Antillas na e exposicion.

E stand di Antillas lo duna principalmente informacion turistica riba nos islanan.

Durante nan permanencia na Montreal, señores Braam y Aloffs a combersa tambe cu directiva di Business Center, qu ta e pabellon di Ministerio di Comercio di Canada. Como resultado di e combersacionnan, Antillas lo ser inscribi como miembro y asina a habri e posibilidad qu señor Aloffs por drenta den contacto cu industrialnan Canadiense y otro industrialnan estranhero.

SEIS COMBATE CU AVIONNAN MIG-RUSO

SAIGON--UPI--E avionnan americano cu a realiza un bombardeo solamente tres kilometer for di e centro di Hanoi a haña nan envolvi den seis combate aereo cu avionnan comunista Mig, y nan a tumba dos di nan.

E avionnan jet di Merca mester a pasa mei mei di e Mignan cu a lamta for di suela pa intercepta nan, pero no obstante nan a logra di bombardea e estacion di trein di mas importante di Norvietnam, cu ta situa cerca di e capital comunista.

Otro avionnan a kibra e brug di Danphoung cu ta keda mas o menos 19 kilometer y mei for di Hanoi. Ningun avion Americano no a ser perdi.

E lora vietnamitan sin embargo a anuncia qu nan a tumba cuatro avion jet di Merca durante di e accionnan di ayera, pero nan no a menciona e perdidanan cu a ser sufri pa aviacion norvietnames, den un informacion cu a ser duna pa e agencia oficial pa via di Radio Hanoi.

Avionnan F-105 cu base na Korat (Tailandia) tabata tin na nan encargo e bombardeo di e zona den vecindario di Hanoi, asina un vocero militar a informa.

E pilotonan a informa cu nan ataquenan a produci columnanan pretu di huma cu tabata sali for di e estacion di trein, cu pa di dos biaha a ser bombardea pa e norvietnamitan den e guerra aki.

Den e guerra di terra, na sur di e zona desmilitarisa cu ta dividi e dos Vietnamnan, e accionnan a bira mas intensa debi na un ataque di e infantenan di marina contra di unidatnan comunista cerca di Danang.



Teniendo su sombre den su dientenan, un solda bon arma ta hisa su ruzak pa subi bordo di un helicopter y participa den un di e accionnan di e operacion Beaver Cage. Helicopternan di e portacion Princeton a transporta un batallon di Mariniers den un area caminda tin por lo menos dos batallon di tropanan di Viet Cong y Norvietnames ta opera.

NAN A AFILIA

Un comunicado cu a ser publica pa directiva di tantu John Henderson (Curacao) como pa clemente Cohen N.V. (casa Cohen) ta duna di conoce na nan clientenan cu for di dia promer di Mei, e dos negoshinan aki lo afila cu otro.

ALM A FIRMA CAO NOBO CU NABLP



Aki señor Rüpplin von Keffikon, director di ALM ta firmando e contrato colectivo mientras qu señor C.O. Yrausquin, co-director y señor Faessel, personeelschef, ta mirando. Na man robes e representantenan di NABLP cu entre nan señor Tschumie, di bondnan Cristian.